



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod. Općinski sud Sarajevo, MBS 65-01-0419-11; JIB 4200088970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola: 05-1-25-1-3878-18/24

JAVNO

DATUM: 04.03.2025. god.

PRIMALAC: VATROSISTEMI d.o.o. Sarajevo
Grupa ponuđača PASTOR M d.o.o. Mostar (predstavnik grupe) i ZIK d.o.o.
Mostar (član grupe)
VATROTEH INŽINJERING d.o.o. Sarajevo

PREDMET: Obavijest o izboru ponuđača u postupku nabavke: Periodični pregledi, servisiranje i održavanje opreme (vatrogasni aparati i hidrantska mreža)

VEZA:

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku: Periodični pregledi, servisiranje i održavanje opreme (vatrogasni aparati i hidrantska mreža), provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda VATROSISTEMI d.o.o. Sarajevo.

S poštovanjem,

v.d. DIREKTOR-a

Sanin Ramezić

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1. Izdavanje/Rev. 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	ppc@sarajevo-airport.ba
WEB	www.sarajevo-airport.ba	/	/

AK.



UPRAVA	Strana: 1 od 2
Broj protokola: 05-1-25-1-3878-17/24	JAVNO

Datum: 27.02.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke usluga: Periodični pregledi, servisiranje i održavanje opreme (vatrogasni aparati i hidrantska mreža), broj: 05-3-25-1-3878-16/24 od 20.02.2025. god., Uprava J.P. Međunarodni aerodrom "SARAJEVO" d.o.o. Sarajevo, na 16. sjednici, održanoj dana 27.02.2025. god., donosi

ODLUKU

I

Za nabavku usluge: Periodični pregledi, servisiranje i održavanje opreme (vatrogasni aparati i hidrantska mreža), prihvata se ponuda ponuđača VATROSISTEMI d.o.o. Sarajevo, broj: 25-0100-000295, zavedena na protokol J.P. Međunarodni aerodrom "SARAJEVO" d.o.o. Sarajevo dana 11.02.2025. god., pod brojem: 04-25-1-3878-6/24, koji je, nakon provedene e-aukcije, ponudio najnižu cijenu za predmetnu nabavku u iznosu od: 44.695,00 KM, bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom "SARAJEVO" d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenama usklađenim sa konačnom cijenom iz održane e-aukcije.

III

Po proteku rokova za reviziju, uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluga: Periodični pregledi, servisiranje i održavanje opreme (vatrogasni aparati i hidrantska mreža), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-3878-3/24 od 31.01.2025. god. U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 03.02.2025. godine objavilo obavještenje o nabavci, broj: 246-7-2-57-3-17/25, a direktor Društva, Rješenjem, broj: 05-1-25-1-3878-5/24 od 04.02.2025. god., imenovao Komisiju za provođenje postupka.

Do ostavljenog roka za predaju ponuda, 13.02.2025. god., do 12,00 sati, na adresu Društva ponudu su dostavila 3 ponuđača, i to: VATROSISTEMI d.o.o. Sarajevo, Grupa ponuđača: PASTOR M d.o.o. Mostar i ZIK d.o.o. Mostar, VATROTEH INŽINJERING d.o.o. Sarajevo. Na javnom otvaranju ponuda, održanom isti dan u 12,30 sati, bez prisustva ponuđača, pročitani su nazivi ponuđača i ponuđene cijene, i to:

- VATROSISTEMI d.o.o. Sarajevo: 44.970,00 KM, bez PDV-a;
- Grupa ponuđača PASTOR M d.o.o. Mostar (predstavnik grupe) i ZIK d.o.o. Mostar (član grupe): 44.880,00 KM, bez PDV-a;
- VATROTEH INŽINJERING d.o.o. Sarajevo: 45.000,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

1. Ponuda VATROSISTEMI d.o.o. Sarajevo

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisije je predložila da se ponuda proglasi formalno-pravno, tehnički i računski prihvatljivom.

2. Ponuda Grupe ponuđača: PASTOR M d.o.o. Mostar (predstavnik grupe) i ZIK d.o.o. Mostar (član grupe)

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisije je predložila da se ponuda proglasi formalno-pravno, tehnički i računski prihvatljivom.

3. Ponuda VATROTEH INŽINJERING d.o.o. Sarajevo

Prilikom detaljnog pregleda ponude komisija je konstatovala više nedostataka, koji se ogledaju u činjenici da ponuđač nije pripremio ponudu u skladu sa tenderskom dokumentacijom. Uočeni nedostaci su sljedeći:

- ANEKS IV – Izjava o ispunjenosti uslova iz člana 45, nije popunjena u potpunosti, tačnije ponuđač je propustio popuniti rubrike u koje je potrebno bilo upisati tačan naziv i vrstu postupka javne nabavke, broj obavještenja sa portala Agencije za javne nabavke i broj iz Službenog glasnika. Shodno tome nije moguće zaključiti na koji se postupak nabavke izjava odnosi, jer nijednu od navedenih rubrika koje upućuju na predmetni postupak ponuđač nije popunio, što je protivno tački 2.1 pod f) tenderske dokumentacije;
- posljednje tri stranice ponude nisu numerisane, što je protivno tački 4.2 tenderske dokumentacije, te članu 58. stav (2) ZJN, u kojem se propisuje da „ponuda mora biti uvezana, a sve strane ponude numerisane“;
- potvrda o dobro izvršenom poslu koja je dostavljena, nije u skladu sa tačkom 2.1 pod i) tenderske dokumentacije. Tačnije, u dostavljenoj potvrdi navodi se 06.08.2021. godine kao datum realizacije ugovora, dok je zahtjev Ugovornog organa bio "posljednje tri godine, počevši od dana dostavljanja ponuda", a ista je dostavljena 13.02.2025. godine;
- ANEKS V – Nacrtni ugovora nije popunjen u potpunosti, tačnije, ponuđač je u preambuli propustio popuniti rubriku broj, što nije u skladu sa tačkom 2.1 pod g) tenderske dokumentacije.

Imajući u vidu iznad navedeno, a sve u skladu sa članom 2. stav (1) tačka l) Zakona o javnim nabavkama, te članom 68. stav (4) tačka i) Komisija je predložila da se ponuda proglasi nepravilnom i neprihvatljivom.

Nakon prethodnog utvrđivanja formalno-pravne, tehničke i računске ispravnosti, prema ponuđenim cijenama je formirana Rang lista prihvatljivih ponuda prije provođenja e-aukcije, i to kako slijedi:

1. Grupa ponuđača: PASTOR M d.o.o. Mostar (predstavnik grupe) i ZIK d.o.o. Mostar (član grupe), vrijednost ponude u iznosu od 44.880,00 KM bez PDV-a
2. VATROSISTEMI d.o.o. Sarajevo, vrijednost ponude u iznosu od 44.970,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana, i to dana 20.02.2025. godine, s početkom u 13:00 sati. Nakon okončane e-aukcije, utvrđene su konačne ponuđene cijene, prema kojima je utvrđena i konačna Rang lista, i to kako slijedi:

1. VATROSISTEMI d.o.o. Sarajevo, vrijednost ponude u iznosu od 44.695,00 KM bez PDV-a.
2. PASTOR M d.o.o. Mostar (predstavnik grupe) i ZIK d.o.o. Mostar (član grupe), vrijednost ponude u iznosu od 44.700,00 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda ponuđača VATROSISTEMI d.o.o. Sarajevo, koji je nakon održane e-aukcije ponudio najnižu cijenu za predmetnu nabavku, te je predložila direktoru Društva da se ugovor za nabavku predmetne usluge, u ponuđenoj vrijednosti nakon e-aukcije od 44.695,00 KM, bez PDV-a, dodijeli ovom ponuđaču.

Uprava Društva je na svojoj 16. sjednici, održanoj dana 27.02.2025. god., razmotrila izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Sanjin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. Sektoru sigurnosti i zaštite
5. a/a